

Broj: 01/1-___-17/18

Datum, 28.02.2018. godine

Na osnovu člana 2.12. stav (5) i člana 2.15. stav (2) Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14), člana 7. Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 9/10, 37/10 i 74/11) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće, na 17. sjednici održanoj 28.02.2018. godine, *donijelo je*

**ODLUKU
o objavljivanju javnog oglasa za imenovanje
člana Općinske izborne komisije**

Član 1.

Ovom Odlukom određuje se objavljivanje javnog oglasa, postupak i kriteriji za imenovanje 2 (dva) člana Općinske izborne komisije.

Član 2.

Člana Općinske izborne komisije će imenovati Općinsko vijeće uz saglasnost Centralne izborne komisije BiH na mandatni period od 7 (sedam) godina.

Član 3.

Kandidat za člana Općinske izborne komisije, u skladu sa članom 2.2 Izbornog zakona BiH, mora ispunjavati slijedeće opće uslove:

- a) da ima pravo glasa i
- b) da ima odgovarajuću stručnu spremu

Pored navedenih općih uvjeta, kandidat mora ispunjavati i posebne uvjete:

- a) da ima prebivalište na području općine Kakanj,
- b) da ima završen fakultet, VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i
- c) da posjeduje iskustvo u provođenju izbora.

Pod iskustvom u provođenju izbora podrazumijeva se:

- a) članstvo u izbornoj komisiji i
- b) članstvo u biračkom odboru,

Izuzetno od odredbi tačke c) iz stava 1. ovog člana, član izborne komisije može biti lice koje ima VII/1 stepen stručne spreme, završen pravni fakultet, odnosno završen pravni fakultet Bolonjskog sistema studiranja s najmanje 180 ETCS.

Član 4.

Za člana Općinske izborne komisije ne može biti imenovana osoba:

koja se ne može kandidovati u smislu odredbi članova 1.6, 1.7 i 1.7a Izbornog zakona BiH,

- a) koja je član najvišeg izvršnopolitičkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora),

- b) koja je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH,
- c) koja je kandidat za izbore za bilo koji nivo vlasti i kojoj je izrečena kazna za radnju koja predstavlja težu povredu izbornih zakona ili propisa za koju je lično odgovorna, u posljednje četiri godine, računajući od dana pravosnažnosti odluke

Član 5.

Za sprovođenje postupka po javnom oglasu određuje se Komisija za izbor i imenovanja.

Član 6.

Komisija iz člana 5. ove Odluke je obavezna:

- utvrditi tekst javnog oglasa i provesti postupak oglašavanja,
- izvršiti klasifikaciju kandidata na kandidate koji ispunjavaju uslove tražene javnim oglasom, i na kandidate koji ne ispunjavaju uslove, uz obrazloženje,
- sa kandidatima koji ispunjavaju uslove javnog oglasa obaviti intervju, prema prethodno utvrđenim kriterijima,
- izvršiti bodovanje i sačiniti rang- listu sa redoslijedom kandidata prema uspjehu (ukupnom broju bodova), postignutim na intervjuu i istu dostaviti Općinskom vijeću, i
- o provedenom postupku komisija podnosi izvještaj Općinskom vijeću.

Općinsko vijeće, cijeneći položaj kandidata na listi, donosi odluku o imenovanju članova Općinske izborne komisije.

Član 7.

Javni oglas za imenovanje člana Općinske izborne komisije će se objaviti u dnevnom listu „Oslobođenje“, web stranici Općine Kakanj (www.kakanj.com.ba) i oglasnoj ploči Općine.

Javni oglas iz stava 1. ovog člana ostat će otvoren osam dana od dana objavljivanja u dnevnom listu „Oslobođenje“.

Član 8.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj“.

**PREDSJEDAVAJUĆI
OPĆINSKOG VIJEĆA**
Slaven Katičić